

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio. An Fur in Ecclesia, vel Cœmeterio, deprehensus gaudeat asylo?

[urn:nbn:de:hbz:466:1-62204](#)

diuntur, Saccum lustrant, & deprehendunt in eo res Ecclesiæ mediocris pretij, ac inter has calicem 40. & aliquot florenis æstimatum, furtò subtractas, cum quibus fur fugam meditabatur. Hinc in furorem asti manus in sacrilegum hominem iniecerunt, & illata vi continuo ad lictorem pagi abstraxerunt, serio & sub minis postulantes, ut is ligatum vinculis quantocuyus ad vicinam civitatem abduceret, atque Judicieret carceri mancipandum, ac severè examinandum. Id quod statim executioni datum, Judex tamen, nescio qua de causa, vincatum intra paucos dies alio abduci curavit, ut ibi Processus Criminalis institueretur. Hujus loci Praefectus, sub eodem, sub quo prior Judex, Principe jurisdictionem exercens, post-

quam reum examinavit (qui & hoc & alia furtæ fideliter confessus est, nunquam tamen sive ex obliuione sive ex ignorantia ad asylum, ex quo violenter abductus esset, provocavit) sententiam mortis contra eum pronuntiatam statim executioni dari mandavit. Qua facta Rusticis, qui hunc furem in cœmeterio deprehensum Justitia tradi fecerunt, scrupulus ortus est, an non læserint immunitatem Ecclesiasticam, qua forte gavisus fuisse homo iste furtum in Ecclesia committens, & ex Cœmeterio vi abstractus. Res denique & mihi proposita est, & simul

* (0) *

QUÆSTIO.
An fur in Ecclesia, vel Cœmeterio, deprehensus gaudeat asylo?

Rationes dubitandi.

Non

Non gaudere , consequenter , licet Judicii traditus provocasset
ad asylum , ex quo violenter
abstractus est , Ecclesia non restituendū suisse , defendant cum Decia-
no Petrus Gregor. Tholos. Syntagma.
l. 33. c. 22. n. 2. Boërius decis. 109.
& alii relati à Farinac. de Carcerib. q.
28. n. 246. Favent apud & cum
Laym. l. 4. tr. 9. c. 3. n. 6. Covar.
& Suar. item alij multi , qui admittunt
extensionem criminum asylō
privantium ultra illa , quæ in Bulla
Gregorij XIV. quæ incipit , Cùm
diis , edita anno 1691. Specialiter
expresa & excepta , quæ nimurum
juxta Pontificem asylō excludunt .
teperjuntur. Eandemque sententiam
in publica Disputatione Ingolstadij
anno 1727. Thesis Parergis anne-
xampliabiliter defendit Magnific.
D. Collega Hermann. Anton. de
Chlingensperg occasione cujusdam
Sartoris , qui Kœschingæ post expi-
latum templum per fenestram vo-
luit se demittere colligatis altarium
mappis confusis ; sed has rumpi
congit , ita ut miser ad terram pro-
stratus infelici casu crus fregerit , at-
que in coemeterio jacens & éjulans
repertus sit.

Huic sententia patrocinari vi-
dentur sequentia. i. Occidens
vel mutilans in Ecclesia (idem est
de Cæmeterio , & alijs locis sacris
aut Religiosis asylia gaudientibus)
non gaudet immunitate Ecclesias-
icalocali , ut certum est ex ist. Bul-
(R. P. Pichler Devis. T. 2.)

la: ergo neque furtum faciens in
Ecclesia. Cons. prob. ideo occidens
& mutilans non gaudet (item occi-
dens prope Ecclesiam , v. g. in sca-
lis , atrio &c.) quia cœnatur spe
immunitatis deliquisse , quæ præci-
pua vel unica fuit ratio eos privandi
asylō juxta textum in e. fin. h. t. ibi : nonnulli impunitatem suorum excessu
per defensionem Ecclesia sperantes
homicidia & mutilationes membrorum in
ipsis Ecclesijs , vel earum cæmeterijs , com-
mittere non verentur : qui , nisi per Ec-
clesiam , ad quam fugerint , credent se de-
fendi , nullatenus fuerant commissuri. Cùm
autem in eo , in quo delinquit , puniri quis
debeat : & frustra Legis auxilium invito et ,
qui delinquit in legem : mandamus , qua-
tenus publicè nuntietis , tales non debere
gaudere immunitatis privilegiō. Sed
hæc ipsa ratio reperitur etiam in
furtum faciente in Ecclesia vel cœ-
meterio , qui , nisi per Ecclesiam se cre-
deret defendi , & immunitatem spa-
ret , nullatenus id fuerat commissurus :
ergo nec furans in Ecclesia gaudere
debet immunitatis privilegiō , tan-
quam indignus Legis auxiliō , qui
delinquit in Legem ; ubi enim est ea-
dem ratio , debet esse & eadem Ju-
ris dispositio , ut habet commune
brocardicum ex l. 3. §. 2. ff. de in-
justo rupto defumptum. Cons. ma-
tutur : In d. e. fin. ratio exclu-
dendi ab asylo occidentes & muti-
lantes in Ecclesia non tam fuit cri-
men homicidij & mutilationis , quia
istud per se non excludit , sed quia in

Ecclesia committetur sub spe immunitatis, adeoque quia infertur gravis irreverentia Ecclesiae per grave crimen, & Legis violationem.

2. Si furantes in Ecclesijs gauderent immunitate, daretur occasio & invitamentum ad furandum in Ecclesijs, cum ingenti earum præjudicio, & spoliationis majoris ac frequentioris periculo; sic enim secum ratiocinari possent sacrilegi furæ: vel deprehendar, vel non deprehendar? si non deprehendar, habeo intentum, & ex Ecclesiæ bonis tuto ditescam: si deprehendar, iterum sum tutus, quia gaudeo immunitate locali, & inde ad penam abstrahi nequeo, ac insuper ab Ecclesia ali debo, donec securum pateat effugium. l. 2. & l. præsenti 6. §. sanè C. de his, qui ad Eccles. confug. Et in hoc dilemmate multum sibi applausit perillustris D. Defendens in disputatione publica superius memorata, identidem illud repetens, & suo antagonistæ pariter Perillustri inculcans.

3. Immunitatis privilegium potius coarctandum est, quam ampliandum; non solùm ideo, quia bonum publicum exigit, sceleratos condignè potius puniri, quam defendi. can. quali nos 44. caus. 23. q. 5. Card. de Luca in Miscellaneis de immunit. disc. 2. n. 6. 9. Ant. Faber ad tit. Cod. de bis, qui ad Eccles. def. 1. Sed etiam ut Ecclesia sit debita reverentia. per can. de Raptoribus 3. caus. 36. q. 1. c. inter alia de Immunitate. Sed

reverentia Ecclesiæ debita maxime & directè violatur per furtum in iis commissum. Nec

4. Obstat, quod cit. Bull. Gregorianæ nolit extendi crimina excepta, seu aylō privantia, ultra ea, quæ inibi recensentur; si enim in aliis delictis reperitur eadem ratio, seu identitas rationis, prudenter infertur, mentem Legitatoris fuisse, ut lex sua, etiam penal, comprehendat casum & delictum, in quo cum exprelli se prodit identitas rationis; secus enim imprudenter & absurdè ordinasse videretur, ubi identitas Rationis tale delictum, vel personam delinquentem, quasi necessariò contineri suadet; sic, quando prohibetur exportatio frumenti ex patria ob penuriam alimentorum per legem poenalem, utique sub ea etiam continetur exportatio farinæ tanquam prohibita: sic, licet Imperator in Nov. 115. expresse prohibuerit filium à patre exhæderari ob alias causas & delicta, quam propter illa 14. in d. Nov. expressa, tamen extendit à Doctoribus illa constitutio exhæderationem permittens ad casum, ubi eadem vel major exhæderationis causa reperitur, v. g. ad casum, quo filius carnaliter peccaret cum propria matre, cùm tamen Imperator solùm expresserit commixtionem cum Noverca, eò quod tanta imo major impietas & ingratitudine erga pa-

patem, quæ fuit causa permittentis ex hac redatione, reperiatur in flagio cum propria matre, quam cum noverca commisso. Nimirum non possunt omnes casus in specie & articuli Legibus comprehendendi, & ideo permittitur illis, qui jurisdictioni præsumunt, ad similia procedere.

5. Benedictus XIII. ultimè defunctus Papa felicis record. edidit anno 1725. Bullam, quæ incipit Ex quo Divina disponente Clementia, postmodum ab eodem insertam Concilio Romano intra breve temporis intervallum celebrato ab eodem Pontifice cum Archi- & Episcopis Italiæ, vel potius sua specialis Provinçie, ut ipse loquitur in Indictione hujus Concilii, videlicet inter Campanam Provinciam & Pisianam &c. atque in hac Bulla Pontifex plura crimina, quam in Bulla Gregorii XIV. continentur, exceptit, & eorum reos asylò privavit, ac inter alia in §. excludimus pariter sic disponit: Excludimus pariter falsificantes litteras Apostolorum, Ministros montis Pietatis, vel al-

terius publici Telonii, aut Banci, pro depositis Principis privatarumque personarum destinati, furtum, aut falsitatem in praedictis locis committentes, cuius ratione arca pecunaria ita minuatur, ut pena ordinaria locus sit. Jam sic: si Papa exclusos velit, qui notabilem summam furantur de locis piis, uti sunt montes pietatis, & Bancus, saltem reductivè, quis negat à fortiori exclusos voluisse, qui furantur de ipsis Ecclesiis, quæ utique magis sanctæ & favorabiles sunt, majorēaque protectionem à dannis per hujusmodi exclusionis poenam mereantur? Confirmatur. Idem Papa in eadem Bulla §. 9. privat immunitatis privilegiò interficienes proximum suum animo præmeditato ac deliberato: quos tamen non privat Bulla Gregoriana: ergo plura hodie delicta, quam Gregorius exceptit, privant asylò: ergo etiam furtum in Ecclesia commissum privare non male dicitur hodie, licet olim fortè non privaverit juxta Bullam Gregorianam.

nam.

Rationes decidendi.

VERUM HIC PARUM MOTUS INHÆREO
ad huc sententiae oppositæ,
quam in meo Candidato propugna-
vi, & furantes in Ecclesia ab eadem
defendi, & inde violenter extracti

non posse contendeo, cum insurme-
ris & gravissimis DD. Gratiano,
Fagnano, Pax-Jordano, Guttier
Farinac, Delbene, Sperelli, Palao.
Haunoldo, Gonzal, Monacel,
Sf 2 Barb.

Barb. Zœs. Pirhing , Pignatelli , & aliis apud P. Schmalzgrueber h.t. n. 199. & 261. Quos fecutus est , & strenue , si quis alias , hanc sententiam propugnavit , quem specialis honoris & amoris ergo nomino , meus in Sacro Jure discipulus , Prænobilis & Excellentissimus Dominus Gerardus Georgius Wilhelmus Vogelius in eruditissimo suo tractatu , Decade Selectarum Questionum , quem ipse sicut doctissime compo- sit , ita peritissime per modum Thesum ante Inaugurationem suam Doctoralem publice ac solenniter sine Præside defendit , in quest. 1. Primum ac præcipuum meum fundamentum sicut olim , ita & nunc defumo ex Bulla decantata cùm aliis Gregor. XIV. ferè ubique recepta in Praxi , saltē in nostra Germania , ubi Pontifex principaliter intendens sublati dubiis , variorum interpretationibus , abusibus circa Immunitatem localem , omnia ad unam tantum formam reducere , ac sublata omni differentia uniformitatem introducere , solummodo octo crimina exceptit , quorum reos voluit asylō privatos , non vero ullos alios quorumcunque criminum reos , et si illa æquipollent alias in Jure expressis , vel adsit paritas , identitas , aut majoritas rationis , ut loquitur Bulla , prohibens insuper ex urgentissimis ac necessariis causis extensionem fieri ad alia crimina à se non excepta , item auferens omnem alteri judicandi & interpretandi facultatem . At qui Gregorius in sua Bulla nullo verbulo exceptit furtum in Ecclesia commissum , nec in ea furantes ab asylō exclusit , sed solum homicida & mutilationes membrorum inibi com- mitentes : ergo nec nobis licet est in Ecclesia furantes ab asylō ex- cludere . Secundum argumentum sic formo : Lex immunitatis localis , seu asyli , est favorabilis respectu Ec- clesiae , quia respectu hujus principi- liter tendit in bonum & favorem publicum Religionis , promovere cupiens reverentiam , Ecclesias & locis sacris competentem , tuendo confugientes pro sua incoluntate ad Ecclesias & loca sacra ; respectu autem certorum delinquentium , quos privat asylō , est odiosa & pun- lis : ergo debet extendi , quatenus est favorabilis Ecclesias , & restringi , quatenus est penalis respectu delinquentium . c. odia 15. de R. I. 11 5. Sed , si dicatur , furantes in Ec- clesia gaudere asylō , extenditur , quatenus est favorabilis Ecclesiae : quia sic etiam complectitur & tueretur furantes in Ecclesia , & restringi- tur , quatenus penal is & odiosa de- linquentibus : ergo id debet dici .

* (o) *

Di-

Diluuntur Rationes dubitandi.

AD I. N. Conseq. Ratio disparitatis est manifesta ex Bulla Gregoriana, solos illos, qui in Ecclesia occidunt vel mutilant, excludente ab asylo, nullatenus verò eos, qui in ea furantur. Ratio excludendi illos non fuit præcisè, quod sub spe immunitatis peccent, vel contra legem delinquent, qua prohibetur Jure naturali irreverentia erga Ecclesiam, sed voluntas Legislatoris, cui utique tempore constitutionis factæ incognitum non fuit, per alia etiam crima in Ecclesiis commissa lædi reverentiam illis debitan, ac propterea asylo privari posse, nihilominus tamen solum homicidium & mutilationem, & nullum aliud, punire voluit privatione asyli. Ratio legis non est lex, & licet eadem ratio, quæ legislatorem hic & nunc movit ad statuendum aliquid pro uno casu, daretur etiam pro alio casu, ac propterea idem potuisse statuere pro hoc alio casu non multum absimili, tamen inde non sequitur, quod de facto ad idem statuendum moverit pro alio casu; præsertim id procedit in lege pœnali, qualis est lex de asylo, in quantum punit certos malefactores, si de aliis nihil dicit, licet ibi reperiatur eadem, vel etiam major ratio: id quod in

præsenti vel maximè locum habet, ubi Pontifex legislator expressè prohibuit privationem asyli ad alia crima extendi, licet in iisdem par, eadem, vel etiam major ratio privandi inveniretur. Aliud igitur est esse indignum asylo, & merito excludi posse, aliud verò actu esse exclusum: indigni etiam sunt Sodomitæ, blasphemi &c. Ex eodem fundamento pariter nego cum Suar. Peregr. Franc. Schmier, Præposito Frisingensi, & P. Schmalzgruber n. 210. quod additur in objectione, nimis occidentes prope Ecclesiæ, non in Ecclesia, sed in scalis, atrio &c. excludi ab asylo; quia hos, licet præsumantur spe immunitatis in tali vicinia occidere, non excludit Bulla Gregoriana, quæ respectu delinquentium est pœnalis & odiosa, ac ideo non extendenda, sed solos excludit in ipsis Ecclesiæ eam rümre cæmeterii occidentes. Illud etiam, quod ex cit. c. fin. adductum est, rectè sic distinguitur: furans in Ecclesia delinquit in legem aliquo modo. Conced. eo modo, qui in Jure punitur privatione asyli. Negatur. Item altera ratio ibi expressa, qui sub spe immunitatis delinquit in Ecclesiæ vel Cæmeteriis, habet quidem aliquam generalitatem, sed à Gregor. XIV. restrictam ad omnia ac sole hoc

S I 3

homicidia & mutilationes in Ecclesiis &c. factas. Nec dici potest, homicidia &c. per modum exempli tantum posita esse à Gregorio; si enim hoc voluisse Pontifex, paucioribus & clarius potuisset mentem suam exprimere dicendo, in Ecclesia delinquentes asylo excludi.

Ad 2. Occasio delinquendi, quam ex asylo malitia hominum subinde sumit, per accidens est, & ab Ecclesia, qua quidem, quantum in ipsa est, mallet nullum patrari crimen, ob justas causas permittitur, scilicet ut mansuetudine sua imitetur Divinissimum Sponsum suum, & protegat etiam sceleratos ad tempa velut asylum profugos, vel in iis existentes, nempe ob reverentiam sacrorum locorum. Audi S. Augustinum serm. 5. de Dedicat. Eccles. ubi ait, grandem injuriam Religionis & Divinitatis offendam esse, qualemunque fugientem ad Domum DEI (vel in ea existentem) à sacris limibus, id est, de sinu matris avellere, & arcem communis expugnare persugii: sed soror aliquis dicit, locus sanctus criminosa paterre non debet: Non est ita: hæc enim inscrutabilis animi argumenta non recipit Christus, qui pro impiis mortuus confugientibus ad se claudi aditum Misericordie non permittit: qui latroni, fidem constenit, Paradisi claustra patefecit, reum à sacris aditis non vult excludi. Nunquid idem argumentum formari posset de aliis delictis & delinquentibus, quibus tamen à nemine Catholico

negatur asylym, v.g. de homicidio quo cunque injurio, de rapina, de quo cunque furto gravi, de fornicatione in loco sacro commissa, de adulterio, stupro, incestu, bestialitate &c. ? an non etiam illi ex malitia sua possunt sumere occasio nem liberius peccandi, si sciunt se protegi asylo contra penas à Judece Laico infligendas? Illud dilemma, quod Adversarii adeò urgent, non admodum me urget, partim quia Legislator eo non obstante furantes in Ecclesia non privavit asylo, sed potius protegi voluit, ut fatusque ex meis argumentis pro resolutione allatis, quod sufficit, & rem planè conficit, partim quia exiguum præstat securitatem furanti; si enim statim in flagranti deprehendatur, quod inde ipsi solatum, quæ securitas à jactura honoris, sanc magna? custodietur in loco sacro non solum cum magna sui profluvione & incommodo, sed etiam, licet claram dimissus fuerit, in remota fugere loca debebit, & si forte in territorio, ubi furatus est, deprehendatur, certò suspendetur post aliquod tempus, vel alias condigne puniatur. Accedit, quod recurri posset ad Pontificem, & peti, ut eum jubeat extradiri quod facile obtineretur, si quo in loco nimium invalescerent furta in locis facris, ad tollendos abusus. Si vero non statim deprehendatur, an propterea illico erit tutus? utique non omnes fures in

flagranti deprehenduntur, & tamen succello temporis sic Deo disponente vel ad inquisitionem Judicis, vel casu fortuito, vel ad complicitis aut alterius delationem deteguntur, & ad supplicium trahuntur.

Ad 3. Privilegium immunitatis non magis est coarctandum, quam Jura velint Canonica. Non exigit bonum publicum, omnia omnino sclera in quovis delinquente puniri à Magistratu Civili; alias ipse Deus quibusdam impunitatem præstans confugientibus ad Civitatem Refugij, & omnes ferè Gentes, quæ ob reverentiam templorum salvos esse voluerunt ad ea fugientes, contra bonum publicum egissent, & tota aſſyla ceflare deberet. Bonum publicum Religionis, quod præprimiti attendi debet, exigit saltem quosdam cōfugas ad Ecclesiam defendi, cuius honor & reverentia magis hoc modo defenditur, quamvis delinquens inde abstrahi posset insuper habita loci sanctitate.

Ad 4. Bulla Gregoriana non simpliciter tantum vetat extensio nem ad alia delicta ibi non expressa, sed etiam vetat pro casu, quo in alijs delictis iaveniretur paritas, identitas, vel majoritas rationis; quod quidem probabilitus etiam procedit in omni lege odiosa & pœnali (quæ est Lex Gregoriana quatenus pri vans aſſylis) niū nempe ratio illa sit adequa quoad omnes casus non ſpecialiter expressos, & quasi intrin-

ſeca & necessariò connexa cum omnibus casibus, ita ut vel contra prudenter vel justitiam foret reliquos casus, ubi reperitur talis identitas rationis, excludere, uti forſe ſett in poſito exemplo de prohibita exportatione frumentis penuria alimentorum, ſi non ſimiliter conferetur prohibita exportatio farinæ. Tanta autē identitas cauſa tam arcte & necessariò connexa furti in templo committi & occiſionis aut mutilationis in Ecclesia patratæ non appetet, nimirum tanta enormitas, ac frequentia periculum in illo, ac in iſis: ſufficit autem minima diſſimilitudo & diſparitas ad excludendum caſum à Lege odiosa, ut ut aliquo modo ſimilem, ubi nempe potius *paritas* datur, quam identitas rationis. In præſenti controverſia rem omnem conficit voluntas Legislatoris expreſſe prohibentis extensionem ad caſus in Bulla Gregoriana non expreſſos etiam propter identitatem & majoritatem rationis; cùm ratio non ſit lex, & pri vatio aſſyli respectu occidentium & muſtantium in Ecclesia potius fundetur & principalius in voluntate Legislatoris, quam in ratione. Quod ſpectat ad exemplum exhortationis, valde communis ſententia docet, etiam ad flagitium cum propria matre commiſſum extendi nou posſe Novellam Imperatoris, diſerte volentis, ut preter causas (ibi expreſſas) nulli liceat ex alia lege ingratitudinis causas opponere. Et ſic eſt paritas cum noſtro caſu. Si verò placeat cum alijs

alijs sentire, quod etiam exhaeredati possit filius cum propria matre peccans carnaliter, dicendum erit, hunc casum terminis generalibus ab ipso Imperatore in d. Nov. esse comprehensum per haec verba generalia in §. 2. posita, propter gravem & in honestam injuriam parentis illatam, proinde non propter identitatem vel majoritatem rationis (qua in lege odiosa non debet attendi, & in Bulla Gregoriana expressè ut insufficiens ad extensionem rejicitur) sed quia in genere jam comprehenditur peccatum cum matre, vel nomine Novae saltem in sensu latiori etiam intelligitur Mater.

Ad 5. Quamvis Benedictus XIII. in cit. Bull. exceperit plura delicta, eorumque reos privaverit asylum, imprimis tamen non privavit furtum in Ecclesijs committentes, sed solum ministros in telonijs publicis, montibus pietatis, & bancis furtum committentes (non in Ecclesijs; quid enim his cum illis?) neque eadem est ratio cum Ecclesijs, quæ Pontificem movere potuit ad excludendos ab asylo dictos ministros, apud quos fuit forsitan haec, quod in dictis personis eorumque officijs requiratur specialis fides & fidelitas ad conservanda hominum commercia. Dein transmissò etiam (non concessò) quod laudatus Pontifex voluisset furantes in Ecclesia asylum privatos, in nostra tamen Germania ahc nova Lex non stringe-

ret probabiliter: non enim stringit nos in his partibus, quatenus est Lex Pontifica, quia, ut haec obliget in tota Ecclesia & universaliter, juxta meam doctrinam ad tit. de Cunctis, in meo Candidato traditam, debet promulgari in singulis provincijs & dioecesibus: ubi ergo non fuit promulgata, ut apud nos, probabiliter non obligat: nec stringit, ut est Decretum Concilij, quia hoc Concilium non fuit Oecumenicū seu Generale, eò quod non omnes Episcopi totius Ecclesiae ad id fuerint convocati, & Papa illi præsederit non ut universæ Ecclesiæ caput, sed ut Antistes, Patriarcha, aut Primas certæ Nationis aut certarum Provinciarum, adeoque fuit tantum Particulare, Nationale, aut forte tantum Provinciale: ergo non est lex universalis, nec obligat totam Ecclesiam, sed solum illas provincias & dioeceses, pro quibus fuit indicatum & habitum: nec denique stringit, quatenus est declaratio Bullæ Gregorianæ; quia nec Pontifex intendit declarare, cum nullibi id indicet, nec verba illius declarationem Bullæ Gregorianæ insinuant, sed potius novam legem; nam declaratio secundum etymologiam suam non debet recedere à verborum, quæ clariora intendit reddere, propria & usitate significacione; si enim Legislator ab ea recedat, & amplius quid statuat, planè declaratio, quæ debet esse comprehensiva, seu à significacione pro-

propria verborum prioris legis non
recedens, non est, sed extensio, justos
declarationis limites excedens, ac
induit naturam novæ legis: &
hoc modo planè se habent verba
Bulla Benedictinæ, ut patet legenti,
ad quoque non sunt declaratoria Gre-
gorianæ.

Ad Confirmationem est eadem
responsio; nam Constitutio seu
Bulla Ex quo Divina &c. Benedicti
XIII. privat aysib occidentes prox-
imam animo p̄meditatiō ac deliberatiō, non
est declaratoria Bullæ Gregorianæ,
quæ solū excludit proditorie occi-
dentes proximum; nam per prodi-
torium in propria significatione ac-
ceptam occidere plus est quam p̄me-
ditatio animo occidere, nimurum
per proditoriam occisionem intelli-
giuntur occisio sub specie amicitiae &c.
ut ostendit in meo Candidato h. t. Pro-
inde Bulla Benedictina nec stringit,
ut est declaratio Bullæ Gregorianæ;

nec ut Lex Pontifícia nova, quia in
nostris Partibus non promulgata,
& quantum scio, saltem ubique, non-
dum usu recepta: nec ut Decretum
Concilij Generalis, cùm Concilium
Romanum non fuerit Generale, sed
Particulare; Particularia autem
Concilia non ligent alios, nisi pro
quorum Provincia, aut Natione
sunt celebrata. Posset Pontifex,
si vellit, præcipere observationem
sue Bullæ per totum Orbem Chris-
tianum, sed animum suum deberet
rite manifestare, & juxta mea prin-
cipia per promulgationem in singu-
lis provincijs & diocesibus. Vid.
P. Franc. Schmier de Jure Legali

17. I. 6. s. scđ. 1.
J. 2.

•••••

TITULUS L.

Ne Clerici vel Monachi Sæculari-
bus Negotijs se immisceant.

(A. P. Pickler Decis. T. 2.)

TE

DE